



14
1544
87



14
1544
87

臨城門樓

蜀碑記補

蜀碑記補序

輿地古今沿革不同郡縣名亦因之互異留意金石
必先明輿地其大較也余蜀自漢魏迄唐宋元明以
來通都大邑叢山峻壑梵宇禪林殘碑斷碣時出雨
淋日炙之餘烏道既叢或露牛礪童敲之後搜討非
易編綴維艱有志於古者所為撫卷而慨歎也宋王
象之所著輿地紀勝二百卷近時朱竹垞徐三峯輩
猶及見之今已佚不可得矣所存者祇輿地碑記目
四卷有自序一篇見元吳師道敬鄉錄所載金華人
著述第十二卷中象之慶元丙辰進士博學多聞其

序紀勝一書竊比太史公之不出戶牖而名山大川
若躬履焉可謂壯矣夫碑者金石之文也記者志述
之文也此殆從地理書摘作而名非專為碑記而作
也其摘出單行不知始自何人中所載東南十六路
於蜀刻尤加詳細皆自為註釋不似寶刻叢編於蜀
獨寥寥數語是真益郡之金薤琳琅也然閒嘗稽以
地碑帖諸書其所摭取尚不無掛漏之嫌且象之南
宋人郡縣皆沿舊名亦有瞠目之苦余因於輿地碑
記目中摘出在蜀者為蜀碑記補每卷先以王所得
列於前為上卷而以已所得列於後為下卷共六卷

國

十卷示不敢紊不敢襲也又於下卷中分王本所未
有而增入者曰補王本所已有而釐訂者曰考俱遵
朝郡縣名標之以便緝閱另錄輿地碑記目原本一
編以存其舊蜀之金石文章不外乎是矣余之為此
非敢謂羅萬象於無窮實欲存一綫於不墜也夫輿
地碑目既從紀勝而摘以單行則蜀碑記又何不可
從碑目而摘以單行乎好古之士於以饜飫其中將
見蜀之山川亦於是乎恍若游卧矣象之言曰子長
因遊而得作書之趣余乃因書而得山川之趣也不
亦信乎其實獲我心乎綿州李調元贊庵序

因茲所書其書之數倍以因書而得山川之變其
良圖之山川亦外是乎則故漢世之書曰千
與卑曰而辭以單曰千曰古之土公以爲其其中
此與目其外曰類曰尚曰年曰四曰年曰又西不
非通謂其萬家外無深實始存一變公之登山夫與
論心其善麗之金石文章不不千平是矣余之論
碑碑碑各縣之公史審閱民終與也卑曰自景本
前而散人皆曰衛王本波曰臣而歸曰皆曰其具
十歲示不郊奈不兼製也又於不意中台王本波未

蜀碑記補卷一

補

輿地碑記目所未有

成都府屬八

綿州李調元童山撰

成都府

石經

在成都府石經堂

石刻鋪敘益郡石經孝經一冊二卷序四百三十
九字正經一千七百九十八字注二千七百四十
八字孟蜀廣政七年三月二日右僕射毋昭裔以

雍經石本校勘簡州平泉令張德釗書

趙希弁讀書附志云

孝經不類所書人姓氏殆趙之誤

鐫工潁川陳德謙

論語三冊十卷序三百七十二字正經一萬五千九百十三字注一萬九千四百五十四字廣政七年四月九日校勘書鐫姓名皆同考經爾雅一冊二卷不載經注數目廣政七年甲辰六月右僕射毋昭裔置簡州平泉令張德釗書鐫者武令昇

周易四冊十二卷又略例一卷正經二萬四千五十二字注四萬二千七百九十二字廣政十四年辛亥仲夏刊石朝議郎國史毛詩博士孫逢吉書毛詩八冊二十卷正經四萬一千二十一字注十

萬五千七百一十九字將仕郎祕書省祕書郎張紹文書鐫工張延族

尚書四冊十三卷正經二萬六千二百八十六字注四萬八千九百八十二字將仕郎祕書省校書郎周德貞書鐫工陳德超

儀禮八冊十六卷正經五萬二千八百二字注七萬七千八百九十一字禮記十冊二十卷正經九萬八千五百四十五字注十萬六千四十九字以唐元宗所刪月令為首曲禮次之亦張紹文書

周禮九冊十二卷正經五萬五百八字注十一萬二千五百九十五字將仕郎祕書省祕書郎孫朋吉書

春秋左氏傳二十八冊三十卷序一千六百一十七字經傳十九萬七千二百六十五字注十四萬六千九百六十二字蜀鐫至十七卷止

穀梁六冊十二卷傳四萬一千八百九十字注三萬九千七百三十字
公羊六冊十二卷傳四萬四千七百三十八字注七萬七千三十七字

畢工於皇祐元年己丑九月望日帥臣樞密直學

士京兆郡開國侯田況益州路諸州水陸轉運使

曹穎叔提點益州路刑獄孫長卿暨倅僉皆鐫銜

於石容齋續筆記田况大書為三行曹穎叔孫長卿各細字一行又差低於况洪云今淮執政

作收監司亦與之雁行蓋以當附書後列銜為妄變前式也成都志又謂公穀

田況所刻

孟子十二卷宣和五年九月帥席貢暨運判彭楷

方入石踰年乃成計四冊

考異一冊乾道六年庚寅三月旦東里晁公武校

石經與監本不同者作為此書

易五書十詩四周禮四儀禮二十禮記三十

左傳四十公羊二十穀梁二十孝經四論語八爾

雅五孟子二十此正經不同者如此傳注不與

古文尚書三冊三卷蓋唐天寶未廢古書前傳本

中汲郡呂大防得之於宋次道王仲至家乃元豐

五年壬戌鏤版乾道六年庚寅帥晁公武取以入

石教官張大固等監刊

益郡石經肇於孟蜀廣政悉選士大夫善書者模

丹入石七年甲辰孝經論語爾雅先成時晉出帝

改元開運至十四年辛亥周易繼之實周太祖廣

順元年詩書三禮不書歲月逮春秋三傳則皇祐

元年九月訖工時我宋有天下已九十九年矣通

蜀廣政元年肇始之日凡一百一十二撰成之若

是其艱又七十五年宣和五年癸卯益帥席貢始

湊鐫孟子運判彭慥繼其成乾道六年庚寅晁公

武又鐫古文尚書暨諸經考略洪文敏公邁謂孟

蜀所鐫字體清謹有正觀遺風續補經傳殊不逮

前且引魏證虞世南相繼為秘書監日請選五品

以上子孫工書者為書手蓋欲字畫清婉可以傳

久是以自經傳以後非士夫所書皆著姓氏若

漢石經今不易得好古者所藏僅十數葉蜀中又以翻列入石黃長睿謂開元中藏拓本於御府以開元二字小印印之是元宗時已罕得況今又六百年後耶

按陸務觀劍南集訪楊先生不遇因至石室落句云出門還愴怳到屋打碑聲自注牆東即石經堂則宋之石經堂即今之石室

漢益州太守碑

永壽元年隸釋云蜀中漢碑不云在蜀中何所漢之益州即今成都府亦即在成都諸屬也

碑圖云上下有朱爵元武左右有龍虎文七行行

四十一字故吏門生題名九行行六人碑式云末行字頗多尚餘五字書於碑之末隸釋云碑以朱爵為額龜蛇為趺龍虎銜壁在其兩旁一崇碑也首云永壽元年三月十九日益州太守某君卒其姓獨利滅或有謂之馮君者豈予所藏偶不明耶碑云澄內清外以身帥下又云貪饕改操革濁為清則素絲羔羊之風必有光前絕後者夫丹書鐵契高帝所以申信誓於功臣也後人以斐豹之事遂指丹書為罪籍講德者不復用之此云名勒丹書謂丹青也碑之左有功曹掾故吏題名四十八

人皆屬邑建伶牧靡楨棟滇池穀昌俞元之人也
僅有王李數姓可辨名字皆不具矣

哀字息即熙
字川即坤字

碑以犂為黎
倉為蒼懷即

漢益州太守碑陰有牧靡故吏三人題名在趺之右
此碑刻五玉三獸下有牛首蜀中漢碑如是者有
柳敏碑陰馮緄墓道雙排六玉碑又有單排六玉
碑與此凡四柳敏馮緄兩碑六者皆同此碑無璜
單排碑兩璜而無謂鄭氏注周官云璧圖象天琮
八方象地圭銳象春半圭曰璋半璧曰璜惟琥但
云琥猛象秋為之圖者皆云琥以方玉刻伏虎之

形聶崇義所畫琮八出如花片陳祥道禮書又云
琮體方而四角此碑之琮則五角單排碑則十角
焉柳碑中者則同鄭說玉人云天子執冒以朝諸
侯說者謂冒方四寸其下邪刻之廣狹如圭首諸
侯執圭來朝以此冒之所以濟瑞信猶合符也碑
有者三獨無六器之琥爾此碑刻瑁圭璋於上
琮璧於下其中則鼎列三獸柳敏碑則一禽於
首一獸為之趺六玉之中有牛首一而貫之以環
馮緄碑則其上刻禽獸各一其下一牛首六玉之
下又刻兩獸有一人跨其右者單排碑則朱爵而

下元武其六玉則左璋右圭又雙璜相向如佩次之璧與琮又次之蜀人名之單排六玉未知何人冢前物也此碑之圭瑁馮緄之璧琮璜則白餘皆黑也緄墓前又有一碑亦上朱爵而下元武其中無文謂之六物碑

益州太守碑陰

碑圖云碑陰所刻者五玉而三獸鼎列其中其一則九尾狐也下有一牛首其右有題名三人

漢祭金馬碧雞文

見升麻金石古文

文云持節使者王褒敬移南崖金精神馬綜綜碧

雞處南之荒深溪回谷非上之鄉歸來歸來漢德無疆廣于唐虞澤配三皇黃龍見兮白虎仁歸來歸來可以為倫歸兮翔兮何事南荒也

漢故吏應酬殘題名

無年月字原云在成都府墨寶云得之北門魚橋之下

隸釋云題名共三十人此石所存者橫兩行爾上行兩人之後則有右郫字其下一行凡十五人未有左江原字二邑皆隸蜀郡此蓋蜀郡太守碑陰也墨寶云後無字非碑陰蓋斷碑爾

漢詔賜功臣家字

無年月字原云在成都府

隸釋云詔賜功臣家五大字今在蜀中似是漢人

所書其事不可詳也墨寶云郭氏犁地得之又有小石一刻永平五年四字甃井雜之壁間今不存按此四字又是一石非五字之紀年也

漢楊侯伯墓碑

在成都府犀墓北見天下碑錄

成都縣

宋米元章大書墨池扁

在楊子雲故宅今無

盛時泰元牘紀王泉公還自蜀余往問往蹟言支機石乃一頑石左擔山已入官衙浣花草堂近河惟長松里餘內有一寺楊子雲故宅已廢門楣上尚存米公墨池一字因索以歸海岳公署甚私然

書史言甚高而二字亦無古意正昔所謂心眼高妙而立論有過中處者歟

華陽縣

重脩蜀先主廟碑

在武侯祠東

金石例書碑額例儒林郎前鄭州防禦判官提舉學校常平倉事武騎尉賜緋魚袋王庭筠撰書篆

漢州

漢王君石路碑

建和二年隸釋云在漢州今屬成都府

碑式云其上畫方大書一表字其下六行各有界道每行二十四字末行低四字書立石人名隸釋

蜀輿記補

卷一

十六

云廣漢長王君攻治崖路標表其事文不滿百楊子欽所作碑以一表字題其上溝洫志武帝穿漕渠令齊人水工徐伯表注謂巡行而表記之與此蓋同意在今漢州按碑文一百八字缺十三字非不滿百也

郫縣

西漢刻石

建平五年字潤六寸許長短不齊

建平五年六月郫縣官像范功平史石工穀徒要本長廿五文賈三又千

隸續在建平郫縣碑二十九字建平者哀帝之紀

年其五年已改為元壽矣此云建平五年六月者與周公禮殿碑相類殆蜀道未知改元爾此碑却無篆體乃西京之佐書也隸法雖自秦始蓋取其簡易施之徒隸以便文書之用未有點畫俯仰之勢終西京之世學士大夫不留意此書故彝鼎所識碑碣所刻皆不復用之觀此數字可見當時之書法也郫者蜀郡之邑此碑近出於蜀中名曰懸崖碑當是指其地名也碑之始則書年月其次書掾史又有石工之文而云長二十五文必是鑿崖治道如何君尊健趙尉羊實之此其末記其所費

故云賈二萬五千

古刻鼓鈔建平五年六月郫五官掾范功平史石
工數徒要本長二十五丈賈二萬五千右西漢刻
石二十九字在永康過紫屏二里許道旁乾道丙
戌余始得之荒萊中出石三面高卑凸凹刻隨其
勢蓋孝哀時刻也建平止四年明年書元壽而不
載改元月日豈詔未至蜀時刻耶如孝獻初平止
四年文翁柱記亦書五年之類也其後僭叛號建
平者凡八皆不在蜀

鐵白馬桑斯
鐵王愉

五官掾續漢志謂掌署諸曹事西京

石勒 慕容盛 慕容堅 慕容德
慕容暉 劉義 曹爽

末郭唐為信都五官掾見於後書故知其為西漢
刻石無疑西漢字世固罕有歐陽文忠以未之見
為恨從劉原甫得銅器款識數字已為可寶而不
得石刻也今此刻天下漢隸莫先焉乃不及與集
古所錄蓋不幸矣世豈無抱道負材之士不為世
知如此石者乎可不為之歎息哉

據上二說碑當在郫縣王氏列于灌縣作漢石刻
治道記不詳顛末係誤應補正

什邡縣

郫閣頌

建寧五年天丁
碑錄在什邡縣

蜀碑記補

卷一十

金石古又歐公跋碑文云驛散關之潮潔徙朝陽
之平爇刻畫適完非其訛謬而莫詳其義故錄之
以俟博識君子今按驛古與釋通史記張儀傳杖
而驛之韓信傳驛兵北首燕路趙明誠金石錄載
漢碑文有云農夫驛來又云辭榮驛散潔本濟潔
之潔漢人或寫作潔借作濕字用潮潔謂潮濕也
爇與燥同分隸小異如摻亦作操之例平爇謂乾
燥也言去濕而就燥也以假借之義訓之亦通升
庵楊慎重跋

額題云折里橋郝閣頌六隸字為二行碑式云文

十九行行二十七字太守漢陽李翕平闕頌後又
有詩並別行又有數行刻年月及書撰人石師姓
名余家有舊拓本無此數行重刻本有之其曰從
史位口口口口字漢德為此頌者隸續證以天井
題名謂即仇靖是也其曰故吏下辨口口口子長
書此頌者天下碑錄以為仇子長名紉未知何據
豈作碑錄時其三字猶未闕耶但重刻本字甚拙
惡此之舊拓本已盡失其真集古錄跋李翕作李
會曾南豐跋此碑云翕字殘缺不可辨歐陽永叔
以為李會余亦意其然及馬城玉得此頌以視

余始知其為李翕承叔於學博矣其於是正文字尤審然一以其意質之遂不能無失則古之人所以闕疑其可忽歟

集古錄目云在興元字原云磨崖在興州宋之興元府今為漢中府興州今為畧陽縣屬漢中天下碑錄云在漢州什邡縣漢州今與什邡俱屬成都府此碑今重刻在畧陽則不在什邡可知碑錄誤也

漢馬融墓碣

在什邡縣字有磨滅今無見天下碑錄

新津縣

黃庭經

元趙子昂臨在成都新津縣學

簡州

逍遙漢安元十三字

見廖世昭志畧

宋浮觴亭石刻

志畧在西湖側

新繁縣

秦蜀守李冰湔壩堰官碑

碑文云深淘渾淺包隄楊升庵金石古文渾古難字隄即堰也冰在蜀治水澤利民功烈盛矣誓神而神至今不敢違之教民而民至今不能違之其文又簡古如此真異人哉

按近言神王氏作誓水已見碑記目場載碑文亦不同

考輿地碑記目所已有成都府屬四

漢文翁學生題名即學師宋恩等題名在成都周公

禮殿門之西序字原云碑凡二一列經師經掾一

列文學師諸曹掾史隸釋云漢永平中嘗為四姓

小侯立五經師此則蜀郡諸生也當是郡守興崇

學校者鐫石紀德諸生既刻姓名而諸曹史亦綴

其末惜無其碑不可考爾成都又有左右生題名

一巨碑蓋左學右學諸生也其間江陽寧蜀晉原

遂寧乃蜀晉所置郡歐陽公以為漢文翁學生題名非也

漢文翁石柱記即周公禮殿記初平五年在成都府

學集古錄目云文翁為蜀郡守始立學校安帝永

初中以火災被焚獻帝時太守高朕重脩立之金

石錄云今成都府學有漢時所建舊屋柱皆正方

上狹下濶此記在柱上刻之初平五年立距今蓋

千年矣而字畫完好可讀當時石刻在者往往磨

滅此記刻於屋楹乃與金石爭壽亦異矣隸釋云

周公禮殿規模古質井斗異制此記刻於東南之

一柱亦木爾歐陽氏以為文翁石柱記者誤也碑式云周公禮殿記六行行三十八字集古錄云顏有意益州學館廟堂記謂獻帝無初平五年當是興平元年蓋時天下喪亂西蜀僻遠年號不通故仍稱舊號也今檢范曄漢書本紀初平五年五月改為興平顏說是也隸續碑圖云天下碑錄以為鍾會書此記初平五年立魏書云會以正始中為尚書郎注謂其弱冠登朝蓋已在初平四十年之後矣謂之會所書者非也輿地碑目云鍾會於晉咸熙元年始入蜀距漢興平初禊已七十一年不

應追書也

漢學殿歲月記即石室梁上題字光和六年在成都府學隸續云太守張景題字四行在高聯石室梁上廢滅鮮成章句首云光和六年四月太守張景中有追念先祖早失覆口孤熒自悲紀刊先象之句相去尺許有少子早瘁之文前有治郡二字蓋張公追遠之詞也按華陽國志文翁為蜀郡守造講堂作石室一名土堂安帝永初間烈火為災堂及寺舍並皆焚燎惟石室獨存至獻帝興平元年太守高聯於玉堂東復造一石室為周公禮殿此

字乃光和六年所題下距興平改元尚有十一年不應於未造石室之前梁上先有題字全蜀藝文志載李石成都府學十詠其石室詩注云漢孝景時太守文翁始作石室西為文翁稍南為高朕此文翁石室差大皆有石像蜀守席益奏秩文翁高朕於祀典竊疑二者蜀人所以祠二公之意必非自作則石室之像為高朕蜀人謂其自作者也而此題字乃有紀刊先像之語因疑石室非高朕所造其像亦非高朕水經注李剛墓有祠堂石室三間魯恭冢前有石祠石廟又金石錄武氏墓前有

石室皆四壁刻古聖賢畫像武梁碑云孝子孝孫躬修子道竭家所有選擇名石前設礪但後建祠堂雕文刻畫羅列成行亦是敘其作室至刻畫像事蓋漢時子孫多有為其祖父作石室刻畫像者此題字云追念先祖紀刊先像則此石室乃是太守張景為其先祖所作而刊先像於壁與李剛魯恭武氏石室不同耳隸續又云此題字蜀人多未知近歲好事者秉燭入室而摸之始傳於世故承華陽國志之誤遂謂高朕石室並謂其像為高朕自作也高朕所作者周公禮殿記石室非即禮殿

華陽國志乃謂興平元年朕復作一石室為周公禮殿蓋其誤也此題字紀刊先象上又有歸文學三字疑張景即蜀人所云太守非本郡太守歸成都後作此石室於文翁之旁以追崇其先祖考周公禮殿記高朕於光和五年到官景作石室朕已在郡一時安得有兩太守且未有為先祖作石室而作於其所治之郡者

石室壁間題字顧氏碑考凡三段其一段隸續作博士題字跋云題字七行可識者五十六字不可識者六十餘字亦在高君石室中末行有博士二字

上下文皆湮沒其中云以詩書發下闕一字京師受業春秋下闕二字仲舒智非胡母末云道為國師出典方州忠著金石其人受春秋業而以仲舒胡母為此蓋是傳公羊春秋者一段隸續作洪農太守張君題字跋云題字五行亦在石室中末行云洪農太守張口子陽張叔之子也首行有故孝廉陵相君伯高弘農十字陵之上闕五字相之下闕一字其文有著德義方襲父經業春秋尚書海內歸高之句與前一人皆是以經學名家者按此二段題字有弘農太守張字又在石室壁間即張

景稱述其祖父之文也前一人云受業春秋者疑是其祖後一人云襲父經業春秋尚書者疑是其父末云弘農太守張口子陽張叔之子也而闕其名豈即張景梁上題字所云太守即弘農太守耶其祖父皆以經學名家故得作石室於文翁之旁又一段隸續作高朕石室六題名跋云刻在石壁之間所題前後不同時其一杜審公乘四人其一武陵守其一武陵令其一中郎將太尉掾并州刺史三人其一清白士娉士三人其一楊子雲司馬相如太守趙三行卿雲二公益後人追題者字畫

清逸可愛疑此石室亦如李剛魯恭武氏石室壁間皆刻古聖賢畫像題識姓名所云楊子雲司馬相如乃畫像上題識之字隸續以為後人追書者非也壁間所刻亦不僅此二人或是年久摧剝或是秉燭而入傳模者未見耳杜審公乘諸人則如他碑題名乃共作石室者也

掾杜峻等題字字原云在高公石室隸續作任君殘碑陰跋云蜀人謂之武帝先生任君碑陰可辨者不盈百字惟掾杜峻孟珍姓名獨存今按隸續所載碑文有見左石廟就時之語張景所作石室在

文翁之左而此題字又在石室疑亦是共作石室者故中又有石官字直千二百直九百及四千三千字石室作於光和六年而前有四年九月十日字者豈經營於光和六年落成於中平四年耶隸續信蜀人之傳謠以為任君碑陰非也

成都縣

蜀郡太守尊榭閣碑即何君閣道碑光武中元二年刻洪邁云此碑蜀中近出毗陵胡世將承公好藏金石刻紹興己未年帥蜀尚未見之東漢隸書斯為之首字法方勁古意有餘如冠章甫而衣逢掖

者使人起敬不暇雖敗筆成家未易窺其藩籬也蜀人以為尊榭閣碑棧路謂之閣道非樓閣之閣也邛夔九折坂蓋其地華陽國志道至險有長嶺楊母閣之峻昔湯氏倡造作閣故名焉按此則宋以前皆名閣道碑尊榭二字後人所加象之誤引也見隸釋按墨寶云此碑出于紹興辛未在榮經縣以通邛犍之路也字原云在雅州王氏据容齋隨筆以為在成都誤作建武一年而于雅州府榮經縣又列蜀郡太守治道記作建武中元二年立何其自相矛盾也

華陽縣

段古柏行碑成都先主廟側有武侯祠前有柏樹喬
柯鉅圍蟠固凌拔杜甫嘗有歌段文昌有文記其
事勒諸石見儒林公議

諸葛武侯祠碑金薤琳琅蜀丞相諸葛武侯祠堂碑
節度掌書記侍御史內供奉賜緋魚袋裴度撰營
田副使檢校尚書吏部郎中兼成都少尹侍御史
賜紫金魚袋柳公綽書元和四年歲次己丑二月
二十九日建鐫字人魯建碑在成都惠陵之北人
僅知諸葛名垂宇宙而不審裴中立之文與柳子

寬之書均足鼎峙千秋惜僻處西蜀所以好古如
趙明誠都元敬俱未搜輯也余以甲午年遊蜀謁
其祠宇讀其碑文慨然想見其為人隨購搨本藏
之行篋者已逾二十餘稔今補錄卷尾俾世之博
覽君子或因是書之失收而附刻焉則幸矣
柳公權金剛經又見曹溶金石表

新都縣

漢王渙墓即王稚子闕元興元年字原云在成都府
今在新都縣闕有二其一云漢故先靈侍御史河
內縣令王君稚子闕其一云漢故兗州刺史雒陽

令王君稚子之闕金石錄云後漢書循吏傳王渙
字稚子渙以元興元年卒闕雒蓋和帝時所立也
隸釋云成都新都縣有渙墓此墓前之雙石闕也
其上各刻車馬之狀一則二人乘馬一則二人乘
車挽之者橐佗也隸續云闕之兩角有斗斗上鐫
耐童兒又作重屋四壁刻神像人物車馬之類亦
有漫滅者有先置二字在右闕南面推字在北面
丁字在東面雒陽二字在左闕西面

新繁縣

誓水碑楊升庵金石古文作秦蜀守李水誓江神碑

其文云竭不至足盛不殺腰與王氏輿地碑記目
所載淺無至足深無至肩不同未知孰是

蜀碑記補卷二

綿州李調元童山撰

輿地碑記日所未有重慶府屬三

重慶府

漢薛劉二君斷碑今在重慶府

額題云漢故益州刺史中山相薛君巴郡太守宗正卿成平侯劉君碑二十四隸字為四行隸續云隸額頗雜篆體其碑髣髴二十行所餘其上一段它石斷裂不存矣第一行有益州刺史中山相薛八字第二行有巴郡太守宗正卿成八字第三行

有惟二君三字餘皆不可句讀蓋前兩行各舉其官後行始是碑語與廣漢屬國辛李二君碑正同其間有祭死者及薛劉征討字殆是紀述平寇之事趙氏誤以為墓刻故云古無兩人共立一碑者又以劉君為成平侯相詳其額初無相字蓋王子侯也

巴縣

盧豐碑

建安七年来詳所在盧君為江州夷邑長今四川重慶府巴縣漢之江州也或即在其地

此碑集古金石二錄與隸釋隸續俱不載見字原碑目云蜀人謂之漢夜郎碑

合州

養心亭記

志畧在合州周濂溪記

涪州

劉讓閣道題字

建寧元年隸釋云相傳在蜀中閣道字原云在涪州

題共十六字金石錄誤合縣竹令王君神道為一碑

縣竹令王君神道

字原云在涪州

題云廣漢縣竹令王君神道凡九字隸釋云微雜篆體縣字作曰下木略與縣字相混故趙氏誤作廣漢縣令而謂其借苓為令也按金石錄又誤合

蜀碑記補

卷二

二

九

劉讓閣道題字為一碑故以為建寧元年十月造
而此碑則無年月也字原既辨其誤又云建寧元
年立何也

忠州

今改直隸州鄧都
墊江梁山屬焉

柳敏碑

建寧二年字原云在忠州輿
地碑目云在黔州州廨內誤

碑圖云朱爵為首龜蛇為趺碑十四行行二十六
字首云故孝廉柳君諱敏隸釋云敏歷五官功曹
宕渠令碑以孝廉稱之重其行也本初元二年再為
郡守所舉不幸而死後二十三年縣令趙臺念其
墓無碑識故為立石時靈帝建寧二年也碑圖云

柳敏碑陰無字其上刻一禽若鳳其下則麟也中
有牛首銜環兩旁凡六玉其右則瑁圭璧其左則
琮璋璜

楊信碑

和平元年字
原云在忠州

無額碑首行云故縣三老楊信字伯和隸釋云石
已剝鮮有成章者墨寶作金溪楊信碑

鄧都縣

陰長生石刻金丹訣

百川學海治平末東坡泊舟仙都觀下道士持陰
長生石刻金丹訣就質真贗坡曰不知也然士大

夫過此必以請久之自有知者按輿地紀勝仙都
觀在今鄞都縣平都山唐建宋改景德又名白鶴
觀陰長生真人蟬脫之所考東坡年譜治平末方
在鳳翔焉得泊舟山下或誤以嘉祐為治平爾

梁山縣

嚴舉碑

延熹七年字原云在梁山
軍即今夔州府梁山縣

無額碑首行云都鄉都里孝子嚴君隸續云碑崇
七尺其二分之下橫有裂文近歲出梁山軍所傳
者皆至裂文止石理皴剝文意間斷予再得之始
是全碑嚴舉姓名甚分明其碑有文有頌又有亂

曰十六句

考

輿地碑記所已有
屬一

重慶府屬一

直隸涪州

巴縣

漢巴郡太守張君碑寶刻叢編張君碑其前題巴郡
太守都亭侯張府君功德敘云君諱訥字子朗勃
海南皮人也又云炎漢龍興留侯維幹枝裔滋布
並極爵秩又云察考除郎中尚書侍郎遷甘陵免
句令親病去官辟司空司徒府復辟太尉舉高第
拜侍御史揚州寇賊陸梁作難五府表君中丞督
捕又云丙子璽書封都亭侯碑無卒葬年月其後

頗敘述政績而繫以銘詩蓋巴郡太守德政碑爾
按漢史自安順以來揚州寇賊屢發不知張君為
中丞督捕在何年也據此則泃應作訥王氏誤作
泃
漢張納功德敘碑中平五年隸續云在巴州今為巴
縣輿地碑目云在重慶府府學中無額碑首行題
云巴郡太守都亭侯張府君功德敘碑式云有穿
題一行文十七行行四十八字隸釋云此碑乃掾
屬李元等為之碑陰各書曹掾之職而不稱故吏
則是張君在郡之時所立

張納碑陰碑式云有穿兩旁有暈前兩行題李元然
存二人後十五行行五人張榮一名氏字多侵
及下列末一行書歲月及祝頌之語隸釋云題名
七十有四人從事及丞則書其字主簿以下掾吏
並書名蓋一郡之吏也此與前說各不同

忠州

今改直隸州
鄴都
墊江梁山屬焉

嚴顏碑按忠州漢為巴郡唐貞觀八年改今名碑二
蘇俱有詩王氏全載東坡一首而子由缺焉今補
之詩云古碑殘缺不可讀遠人愛惜未忍磨相傳
昔者嚴太守刻石千載字已訛嚴顏平生吾不記

獨憶城破節最高被擒不辱古亦有吾愛善折張
飛豪軍中生死何足怪乘勝使氣可若何斫頭徐
死子無怒我豈畏死如鬼曹匹夫受戮或不避所
重壯氣吞黃河臨危閒暇有如此覽碑慷慨思橫
戈

江原長碣延熹三年輿地碑目云在忠州郡庠隸釋
云似闕非闕似碑非碑其文共二十二字由左而
右其下刻一怪獸之首若虎而有角復齋碑目作
進德闕輿地碑目作江原君闕按漢江原今之崇
慶州不知何以移在忠州

梁山縣

浮蘭碑即繁長張禪等題名輿地碑目云在梁山軍
今梁山縣隸續云一石二橫首行云長蜀郡繁張
君諱禪字仲聞其次題掾曹十人及三民姓名次
橫之首行云夷淺口例掾趙陵字進德次夷侯九
人邑長三人第三橫邑君三人夷民六人後云凡
世八戶造末有四行高出兩字題白虎二夷王及
丞尉名字最後兩行及其下一橫字畫差小似是
紀事之辭惟夷王謝資數字分明餘皆不可讀東
都益部郡縣夷漢錯居此必蜀郡太守有德政繁

志畧即堯叟兄弟按金石例論碑文合書不合書
歐陽永叔陳文惠公神道碑公諱實前娶曰杞國
夫人宋氏後娶曰沂國夫人王氏子男一人長曰
述古秦公三子長曰堯叟為樞密使同中書門下
平章事季曰堯咨為武信軍節度使皆舉進士第
一人及第三子已貴秦公尚無恙每賓客至其家
公及伯季侍立左右坐客踖踏不安求去秦公笑
曰此兒子輩耳故天下皆以秦公教子為法而以
陳氏世家為榮公之孫四十人曾孫二人合伯季
之後若子若孫若曾孫六十有八人女若孫曾五

蜀碑記補卷四

綿州李調元童山撰

補

輿地碑記目所未有

順慶府屬六

敘州府

南充縣

李耳畫卦石

見志畧

江萬里金泉字刻

志畧在南充城西

譙周宅碑

志畧在南充北五里今尚存

里廣安州

唐顏真卿霄漢閣三字石刻

志畧在廣安治西

渠縣

蜀碑記補卷四

城垣碑

字原云在渠州今為渠縣屬順慶府

隸釋云右無名碑蜀人謂之城垣碑未有方三百里圍二尺字及用人用日數似是記板築事或句有可讀而上下文不相屬矣按碑有云有詔拜君益州太守又云口功後世益益州太守築城垣以衛民故立此碑以頌其功德也按垣音霸集韻作壩蜀人謂村落曰垣俗作垣非垣音具字彙言堤塘也正字通云垣譌字按堤塘無垣名

李翊平

熹平二年字原云在渠州今四川順慶府渠縣

無額按碑翊拜廣漢屬國侯碑式云碑十行行四

十一字

李翊夫人碑

字原云在渠州今渠縣

無額碑式云有穿文十二行行三十六字歎曰別在行穿在最後二行隸釋云廣漢屬國侯夫人碑李翊之配兩碑歐趙時皆未出

是邦雄桀碑

字原云在渠州今為渠縣

碑圖云其上刻麟其下則牛首碑十一行行二十六字有以兩字居一字地位者其後空三行許隸釋云碑之首云是邦峻生雄桀峻之上下各闕一字蓋言其山川孕秀也其間有晉陽侯苗由彼適

蜀碑記補

卷四

二

七

梁捷為武陽之句疑其姓楊而家捷為字畫類李翊碑又有碑陰上朱鳥而下玄武則没字碑也碑圖云與馮緄墓道一碑相類非磨滅者

漢是邦碑陰没字碑

隸續云没字碑是邦雄桀之陰也與馮緄墓道一碑相類非磨滅者朱雀在其上龜蛇在其下

燕居堂戒子詩石刻志畧在渠縣陳義建

大竹縣

漢馮煥殘碑永寧二年立字原云在渠州碑目云在大竹縣古寶城大竹今屬順慶府

碑式云馮煥斷碑六行可見者或行有七字隸釋

云建光之元即永寧二年是歲七月改元煥以四月終故碑尚用舊年也隸釋漢馮煥殘碑三十九字其云比鮮卑叛逆則元初六年詔除幽州時事也其云策書嘉嘆賜錢者馮緄傳載煥死于獄中帝愍之賜錢十萬貫是此事也未有永寧二年四字蓋其卒之年月也帝紀書建光元年正月幽州刺史馮煥率二郡太守討高句驪穢貊不克四月遼東都龐奮承偽璽書殺元菟太守姚光緄傳云幽州刺史疾忌姦惡元菟太守姚光亦失人建光元年怨者詐作璽書賜煥光以歐刀下東龐奮行

刑奮即斬光收煥煥疑詔有異上自訟病死獄中
建光之元即永寧二年是歲月改元煥以四月終
故碑上用舊年也碑字無機而皆與史合

漢馮煥殘碑陰

隸釋云漢馮煥殘碑陰諸曹史及帳下司馬武剛
司馬十餘人其間有貫潁川汝南陳國者皆豫州
舊部也

漢車騎將軍馮緄碑

寶刻叢編漢故車騎將軍馮公之碑篆額馮公名
緄巴郡宕渠人碑云字皇卿而本傳作鴻卿碑云

一要金紫十二銀艾緄終於廷尉而以將軍題碑
首者以金紫之貴也緄以永康元年十二月卒

漢馮緄墓六玉碑二

寶刻叢編其上有烏三足狐九尾其下則二驢有
一人跨其右者最下一牛首蜀人謂之雙排六玉
碑隸續又一碑與六玉碑同一石在馮緄墓道中
蜀人謂之六物碑其上朱雀而下玄武其中没字
非漫滅也

漢馮緄墓單排六玉碑

寶刻叢編上下有朱雀玄武蜀人既以前碑為雙

排而謂此為單排恐亦是馮緄羨道中物也

交阯都尉沈君神道

碑目云在大竹縣北一里隸釋云在梁山軍大竹縣今屬四川

輿地碑目云雙石闕其一鐫云漢謁者北屯司馬

左都侯沈府君神道其一鐫云漢新豐令交阯都

尉沈君神道字原云沈字左字道字豐字發筆皆

長過三四寸許令字交字兩筆皆長君字中筆亦

長碑圖云其上皆刻朱鳥其下則右刻玄武左刻

一獸之首若虎而角環在口已缺其爪據之隸釋

云二神道蓋是一人猶王稚子闕畫書其所愿之

官也

儀隴縣

邀月臺古詩刻

志畧在儀隴

營山縣

望使樓剝落古碑

志畧在營山

敘州府

鎖江二字

志畧在敘州鎖崖岸

慶符縣

武侯征蠻故道摩崖

武侯志漢陽山在慶符縣北八十里漢武帝通西

蜀碑已補

五

南夷自此山之南皆漢地故云諸葛武侯征蠻過此今崖壁上鐫武侯征蠻故道六字猶存

南溪縣

黃庭堅涼暑亭

志畧在南溪縣龍騰山大書

黃庭堅四大字

志畧在南溪縣桂輪山

雲臺書院四大字

志畧在南溪縣雲臺山

宋黃魯直此君軒詩

元續紀右宏治辛酉長洲薛英杜蜀獲此碑于南榮立于分司覆之以亭自以為起涪翁九原之英爽亦一蘇醒昨玉泉公在南榮分司早發時忽見

破屋中樹一石自披荆視之因搨以歸噫好事如玉泉公使薛老有知其亦蘇醒已乎涪翁此書與詩頗奇偉自言咄嗟而成文不加點蓋亦一時之興所至爾程嬰杵臼二句然有江西派之意也丁巳六月八日雨中觀于蒼潤軒記按蜀有南平即綦江南江南溪榮昌榮經並無南榮若以榮昌與綦江之南平並稱則涪翁未到意南榮即南溪之訛也

考輿地碑記目所已有順慶府屬

渠縣

蜀碑記補卷四

六

漢車騎崖石刻賜豫州刺史馮煥詔安帝元初六年
立字原云在渠州今渠縣隸釋碑文首云告豫州
刺史馮煥者漢詔之式如此按馮君車騎將軍緄
之父緄傳云煥為幽州刺史又有墓闕題云豫州
幽州刺史馮使君神道季年豫州境內無盜賊事
上各代郡皆幽州部詔有頌屬樂浪北顧傷心之
文亦幽州也詔中諭其竭心盡慮而使之便宜數
上必自豫徙幽而賜此詔其石下斷惟存上八行
意不能詳考煥猶在豫故其前尚稱故官也據寧
原云王氏列於南充縣誤

馮煥神道永寧二年立字原云在渠州今為渠縣其
文曰故尚書侍郎河南京今豫州幽州刺史馮君
神道共十九字金石錄云按後漢書馮緄傳緄父
煥安帝時為幽州刺史緄碑亦云幽州君之元子
此字在宕渠緄墓前雙石闕上知其為煥闕也隸
釋漢幽州刺史馮煥神道今在渠州馮緄傳云父
煥安帝時為幽州刺史建光元年卒隸釋有元初
六年賜豫州刺史馮煥詔煥之殘碑有郎中尚書
侍五字惟京今無所見也

蜀碑記補卷五

綿州李調元童山撰

補

輿地碑記目所未有

夔州府屬三

奉節縣

黃魯直題字

在奉節縣白帝廟

入蜀記肩輿入謁白帝廟氣象甚古松柏皆數百年物有數碑皆孟蜀時所立庭中石筍有黃魯直建中靖國元年題字

巫山縣

黃庭堅古楚宮石刻

志畧在巫山



張琬白鹽赤甲四大子志畧在巫山城東白鹽山

將軍墓在巫山縣

入蜀記將軍東晉人也一碑在墓後跌陷入地碑傾前欲壓字纔半存

雲陽縣

漢鄭子真宅舍殘碑熹平四年字原云在雲安軍即今夔州府雲陽縣

碑式云所有者二十四行可見者行或十一字隸釋所存其上十數字餘石碎矣首云所居宅舍一區直百萬繼云故鄭子真地中起舍一區七萬凡宅舍十有二區其次有辭語有歲月云平四年

上存四點必熹平也官吏有郎中及賊曹與掾史又有左都字彥和及胡恩胡陽陳景等姓名似是官為檢校之文其中有宅舍奴婢財物之句其云妻無適嗣又云未知財事其前有為後二字則知旋立嬰孺為嗣也其云精魂未滅而有怨上有一字從女當是其母則知其親物故未久也未云春秋之義五遜為首所以戒其宗姓或女兄弟之類息爭室訟也碑今在蜀中

考輿地碑記目所已有夔州府屬三

巫山縣

漢鹽鐵盆記即巴官鐵盆銘永平七年輿地碑目云
在巫山縣陸游入蜀記縣解有故鐵盆底銳似半
甕狀極堅厚銘在其中蓋漢永平中物也缺處鐵
色光黑如佳漆字畫淳質可愛玩有石刻魯直作
盆記隸續云銘十六字云巴官三百五十斤永平
七年弟廿七西建中靖國初黃魯直自戎州東歸
厥弟叔向攝邑巫山有大鹽盆積水堂下以植蓮
芡魯直去其泥而識之其文鑄出鐵上故雖有發
筆而勢不可縱人或指以為篆首行惟有一字如
已而反最後一字如西而有連筆魯直以為前刀

而後西亦謂之秦篆又以斤為戍皆誤也金石錄
作鐵量銘今據云永平七年王氏作二年誤

雲陽縣

徐氏紀產碑光和元年輿地碑目云在雲安軍即今
夔州府雲陽縣碑圖云碑上若有額已漫滅而石
紋尚有兩旁有龍虎其辭十八行行三十五字隸
釋云其辭云光和元年五月中旬金廣延母自傷
紀考妣徐氏元初產永壽元年出門託軀金掾季
本自此之後其石半滅所存者其下段爾隸釋碑
文云徐氏歸于季本有男曰恭字子肅早終故立

從孫廣延為後廣延弱冠而仕又復不祿碑云廣
延年十八娶婦徐氏子肅亦有年十八字而闕其
下文當亦是載其昏聘子肅殘碑亦有妻字可證
徐氏自言少入金氏門夫婦勤苦積入成家又云
季本平生以奴婢田地分與季子雍直各有公域
繼云蓄積消滅債負奔亡依附家得以蘇則雍直
似是季本庶孽不肖子分以訾產居之于外者徐
氏老而廣延死故又析其財有雍直經營及志以
歸雍直之文慮雍直為嫂姪之害也故刊刻此石
其云大婦小婦則子肅廣延之妻也碑稱小婦茲

仁供養奉順不離左右則廣延夫婦俱孝其云九
內催碎則可見子孝而母慈也廣延雖非嫡長而
事親久即世新故徐氏舍子肅而稱廣延母也此
碑字子肅之上有兩字不甚明上一字髣髴是恭
其下頗類成字但漢人無二名而金恭有墓闕及
殘碑皆云恭字子肅可以證季本之子字子肅者
即金恭也但恭之下多一字所不可曉按以上俱
見隸釋王氏言初無文字但有人物未考也

金君闕字原云在雲安軍即今夔州府雲陽縣題云
鉅鹿太守金君闕凡七字碑式云四旁皆刻磨紋

金恭闕碑圖云上刻一禽三足次橫刻金君姓名次刻一人執扇乘馬似是金君也旁有龍虎銜環其下斷裂

金恭碑隸釋云近歲出於雲安軍土中雲安軍今為雲陽縣屬夔州府無額首行題云金君碑君下缺二字碑式云碑有畫方之文上亦有穿題一行文十行後餘三行所存者行十三字隸釋云其石剝缺少有可句者金掾季本即其父也二弟曰廣延曰雍直其母徐氏有紀產碑按徐氏紀產碑刻於光和元年其碑云子男恭字子肅早終此碑蓋刻

於光和之前也

萬縣

報恩寺真道家地碑延熹五年字原云在萬州即今夔州府萬縣隸續云真道以錢八千從真教兄弟市此地刻其文戒約後世字扎紊碎不能盡通

市此出以其次知也... 蜀石記補 卷五

蜀碑記

綿州李調元童山撰

補

輿地碑記目所未有

雅州府

雅州府

高頤碑

建安十四年立 隸釋云在雅州輿地碑目云在嚴道縣東二十里嚴道縣今廢省其地入

雅州

額題云漢故益州太守高君之碑十隸字為二行

碑圖云兩螭蟠其首文在穿下凡十八行行二十

一字

高頤闕

蜀碑記補

闕有二其一云漢故益州太守武陰令上計史舉
孝廉諸部從事高頤字貫方其一云漢故益州太
守陰平都尉武陽令北府丞舉孝廉高府君守貫
闕一字隸釋云此兩闕一有高君名字一不稱名
而字闕其一予所見六十年前石刻貫字之旁刻
云闕一字近世所見乃有以光字補之者此一闕
雖無頤之名而陰平北府皆見之碑則兩者皆高
頤之碑也輿地碑目以高府君為高君實貫下有
有光字云高君兄弟皆孝廉非是

高直闕

字原云在雅州

題云漢故高君諱直字文玉凡九字隸釋云字畫
甚不工漢人題墓有云神道者有云墓道者有云
闕者惟高頤及高直但書姓名字爾

造橋碑

延熹七年立字原云在雅州

隸釋云碑首刻二人冠帶相向而坐一器居中如
豆盤之狀後有二人折腰低首雙垂其袖若胡舞
者其上橫行有數字惟府卿明府四字不毀二人
之下又橫刻二十六字兼篆隸之體曰蜀郡屬國
明府潁川陽翟辛君字通達捷為李君字仲曾其
下三字不可曉漢碑無如是模式者碑圖云其下

有文十七行行三十七字其後有題名五行隸釋
又云蜀人謂此為神水閣碑考其碑則謀謀若神
是絕句其水似小其閣似閣特未能判今摘三語
而強名之非也

考興地碑記目所已有雅州府屬二

雅州府

羊竇道碑永初二年立隸釋字原俱云在眉州墨竇
云在嚴道縣東十里嚴道縣今廢其地入雅州碑
式云前有文六行空一行後有文九行崖石有裂
絡文避石裂故字數不等少者九字多者十五字

最後一行刻書人姓及日月隸釋云青衣尉趙君
孟麟穿崖易道行人去危即安故刊石以志其事
字畫甚拙愚按最後一行云書此盛巨即碑式所
謂書人姓字也漢碑之有書人姓字者惟此碑及
武班樊敏郝閣頌天井碑側題名而已

榮經縣

漢太守治道記即何君閣道碑建武中元二年立字
原云在雅州墨竇云此碑出於紹興辛未在榮經
縣洪氏碑式云其文七行字數不等或六字或九
字隸釋云范書光武之紀年二曰建武曰中元祭

祀志云以建武三十二年為建武中元元年東夷傳云建武中元二年倭奴國奉貢皆以即位初元冠於新歷之上故此碑有建武中元之文東漢隸書斯為之首字法方勁古意有餘蜀人以為尊楫閣碑今王氏據容齋隨筆於成都府首列此碑而于此又列治道記且次又列尊楫閣碑記一碑而分三日雖互加跋識要之一何君閣道碑耳宋人著書好標新目每重出而不知皆未詳考

廬山縣

樊敏碑建安十年三月八分書輿地碑目云在雅州

墨寶云在廬山縣雅州今隸四川廬山縣屬馬廬今作蘆隸釋云在黎州非是今王氏作雅安雅尤誤額題云漢故領校巴郡太守樊府君碑上二篆字為二行碑圖云兩獸蟠其上就為圭首若今所謂鬣鬣者其一有鱗猶龍然篆額兩行偏其右文在穿下凡十八行行三十九字空一行刻亂曰二行又空一行低十三字刻歲月及書造人姓名其云石工劉盛息燥書者劉刻其石而厥子落筆也陳球碑陰書其二故吏之子亦曰息崇寧壬午知縣丘常題其碑陰云此碑相傳為魏受禪碑而此

乃建安十年所立又在黃初之前雖暴露中桎而
字畫醇古文尚可讀余因扶其既倒植其將立又
為屋以庇之庶幾永其傳也紹興己卯眉山程勤
又題云僕仕於蘆山乃得樊君故碑於荒山榛莽
間亟作大屋覆其上表而出之碑陰所記崇寧壬
午距今五十八年而任斯邑者皆吾鄉人扶倒植
仆偶相似然全蜀藝文志又載李一本跋云此碑
踞於道周幾千餘歲在宋以前訛為魏受禪碑一
統志謂其文字漫滅不可考以故惑於聞見者不
為注目宏治乙未偶憩其下因束篠為帚拂之倏

見字畫隱隱而出亟為磨洗搨得墨本然其模糊
不可讀者亦過半矣顧炎武金石文字云重刻本
字甚拙惡其文有云哲為韓魏者析之異米巫死
虐者凶之異歲在汁洽者協之異士女涕洽者零
之異呂氏春秋死氣不入身無苛殃漢書藝文志
星事死悍後漢書禮儀志大儺中黃門倡侘子和
曰甲作食死廣韻死即凶字古文漢三公山碑攘
去寇死魏橫海將軍呂君碑羣死鼎沸竝作此字
爾雅歲在未曰協洽史記歷書作汁洽天官書作
叶洽方言自關而東曰洽關西曰汁春秋文耀鉤

黑帝叶光紀周禮禮記注並作汁周禮太史讀禮書而協事故書協作叶杜子春云叶協也書亦或為汁大行人協辭命故書協作叶鄭司農云叶當作汁張衡西京賦五緯相汁五臣本作叶五經文字協字古文作叶而緯書有樂汁徵圖漢書五行志引洪範協用五紀字又作叶師古曰叶讀曰叶四字皆以十為聲而从彳从口从水从日則各異耳尚書大傳其歌聲比余謠名曰哲陽注謂春厥民祈則析之為哲或亦可通用乎

蜀碑記補卷七

綿州李調元童山撰

補

輿地碑記目所未有

嘉定府屬一

直隸眉

嘉定府

漢脩官二鐵盆款識

建武二十年立字原云在嘉州今為嘉定府

一有廿五石廿年脩官作八字一止有廿五石三字隸續云乾道中陸游務觀監漢嘉郡得之字畫無篆體蓋東漢初年所作其文有廿年字而無紀年之名東都惟建武建安有二十年此必建武之器所謂脩官正與永平巴官同恐是識鐵官之地

名未詳其義

夾江縣

漢王君平鄉道碑

永元八年隸續云
在嘉州夾江縣

隸釋云夾江縣涇口有磨崖四百餘字平鄉明亭
大道四面危險南安長王君遣掾何童脩治故書
崖以頌之崖石增長字體失真復齋碑目作平鄉
明亭開道碑

直隸眉州

漢張氏穿中記

建初二年字原云
在眉州碧雞巖

隸釋云武陽城東彭亡山之巔耕夫劬地有聲尋

鑿為石窻如屋大中立兩崖崖柱左右各分二
室左方有破瓦棺入泥中右方三崖棺泥穢充仞
執燭視之得題識三所一在門旁為土所蝕僅存
其上十許字穿中沙石不堅數日間觀者揩摩悉
皆漫滅其二在兩柱前稍高故可拓時紹興丁丑
年也一柱二十五字一柱四十九字隸釋云本張
公賓之妻之穴也其子偉伯及偉伯妻與其孫陵
皆祔葬右方曲內中故志之其一則偉伯之孫元
益葬其父長仲并弟叔元所志也其字古而拙

漢永初官鑿文

永初七年字原云眉州
人掘武陽故城得之

蜀碑已補

卷七

二

六

文一行七字云永初七年作官鑿隸續云范至能
在蜀得其二牒七及官字文有反背不同重有十
八斤

黃龍甘露碑

建安二十六年立輿地碑目云在隆州
籍縣江口墨寶云在眉州彭山縣本朝

人題云時以甲辰歲治平元年三月二十
七日轉移此碑蓋從隆州移置眉州也

額題云黃龍甘露之碑六隸字隸續云碑亦有穿
高五尺餘廣二尺文十四行惟首行有建安廿六
年數字可辨建安二十五年漢祚已終次年四月
蜀主方稱帝改元則辛丑之春蜀人猶奉漢代正
朔故有建安二十六年之文

黃龍甘露碑陰

隸續云存者上兩橫每橫三十人可辨者侍中議
郎從事史中郎將數十人兩橫之下崇寧中為王
時彥所磨刻其說

丹稜縣

御書石

志畧在丹稜龍鶴山李燾
讀書於此孝宗有御書石

石倉米洞四字

志畧在彭
山半山

蒲江縣

公乘校官掾王幽題名

字原云淳熙二年邛州蒲江縣僧寺治地得之隸

續云字畫有東都氣象非魏晉筆法校官掾者東
公都郡縣之吏屬公乘者漢爵第八級而云永熹元
年二月則無此年號東都紀年有延熹光熹亦有
書光熹為光喜者漢人作隸好假借或是借熹作
喜作熹又作熙光字恐史策之誤但弘農王四月
即位改元是年二月猶是中平西晉惠帝雖有永
熙而改元亦是四月此碑非光熙永熙明矣俟博
古者剖判之

考與此碑記目所已有嘉定府屬二直隸有

洪雅

漢道陵碑張普題字熹平二年立字原云在嘉州即
今四川嘉定州墨寶云磨崖在洪雅縣碑式云凡
七行六十七字字大小疎密不等多者十六字少
者九字隸續作米巫祭酒張普題字跋云字畫放
縱敍斜畧無典則乃羣小所書以同時石刻雜之
如瓦礫之在圭璧中也復齋碑目作張普施天師
道法記

夾江縣

漢二楊墓闕隸釋汶陽李長茂為蜀使者罷歸以此
本見遺長茂名公年東州善士以畫山水著

隸釋夾江縣有磨崖四百餘字云平鄉明亭大道北
與茂陽西與青衣越雋通畧回曲危險扶風王君
為民興利除害遣掾何章修治故書崖以頌之蓋
和帝永元八年也筆札亦拙又崖石增長字體失
真天可取者按立碑寫年號和帝乃廟諡必非其
時所立或後人補刻于崖石磨崖非碑也王象之
以為開道碑誤

漢中令楊暢墓碑在嘉州夾江縣東南古賢鄉右見
天下碑錄

彭山縣

黃龍甘露碑額題云黃龍甘露之碑六隸字隸續云
碑中有穿高五尺餘廣三尺文十行僅有數字可
辨羣臣列名居石之二上下四橫每橫二十餘人
可辨者侍中二人司徒尚書五官中郎將大中中
散大夫博士各一人議郎四人安漢鎮東等將軍
二十餘人官之下皆稱臣姓名碑側題太守李巖
并丞令二人華陽國志云建安二十四年黃龍見
武陽赤水九日乃立廟作碑墨寶云眉州彭山縣
即漢武陽縣地也今王氏但云在縣之黃龍鎮不
注年月未詳考也

五平氏未詳表也

明鄭先國無此也今王凡四云其編之黃諸其不
先國亦水氏曰亦立廟於野墨寶云其山編
其亦今二人華國圖志云其史二十四平黃諸其
二十翁入宮之不皆縣司鼓亦縣附殿太守李
崇大夫執士各一人勳昭四人其黨鄭東等錄其
下轉皆中二人曰武尚書五官中拍錄大中中
轉羣到民各司公之二上平四錄各錄二十翁人
輒中亦寶高正又翁三又文十計對亦錄其百
黃諸甘觀縣錄殿云黃諸甘觀之縣六縣字錄其云

蜀碑記補卷八

綿州李調元章山撰

補 輿地碑記自所未有

潼川府

唐顏魯公千祿字書

在潼川府大慈九年正月庚子朔七日

周錫珪唐碑考字書顏元孫撰公中楷元孫公伯
父也以韻次字分正俗通大小相間公刺湖州時
書刻置之宅東廳至開成中石本殘缺公重刻之
漢公亦刺湖州書有鍾法會昌中嘗臨鍾表米氏
以入笈漢公本大行而原本以殘缺不復行歐公

獨寶舊本以損本多失真也予家有內府所出賈氏故物乃不完本斷珪碎璧希世之寶也後又刻于蜀今在潼川州後有勾詠跋豈勾氏所刻耶據吳文定跋蜀刻亦不完矣楊漢公摹刻自稱不失纖毫黃長睿云精隱勁媚殊得顏真歐公云于祿之注持重舒和而不局促長睿易之曰持重而不局促舒和而含勁氣

附楊漢公記

太師魯公忠孝全德儀型古今存道歿身煥乎國史文學之外尤工隸書盡鍾繇之精能極逸少之

楷則頃因左宦曾牧茲郡才大事簡居多餘閒錄于祿字樣鐫于貞石仍許傳本示諸後生一二工人用為衣食業晝夜不怠利缺遂多親姪顯頃拔天台懼將磨滅欲以文字移於他石資用且之不能克終漢公謬憩棠陰獲觀墨妙得以餘俸成顯之意自看摹勒不差纖毫庶使筆蹤傳於永永時開成四年六月廿九日刺史楊漢公記

附勾詠記

柳公權對穆宗用筆法曰心正則筆正是言也雖公權時以筆諫然論書法理固如是余觀顏魯公

筆蹟乃知公權之言不妄魯公忠正人也功名事
業列於國史其全德偉行英風義烈貫映千古文
學之外尤工隸書大小二體筆力遒勁如服介冑
如冠獬廌凜凜乎若誚盧杞而咤希烈有不可犯
之勢蓋其心畫所寓誠可畏而仰之往由左宦臨
牧吳興暇隙書干祿字樣鐫刻于石傳示後生然
石刻在刺史宅東廳院傳之惟艱故世罕得善本
而蜀士大夫所見惟板刻尤鮮得其真府尹龍閣
宇文公比刺湖州得魯公所書與楊漢公所摹二
本特為精詳公深喜魯公書於干祿字樣尤致意

焉非獨愛其字樣而且愛其書法之工非止愛其
書法而又愛其心術之正惟愛之篤故惜其久而
淪廢於是俾以楊蜀二本參校若顏書之刊缺者
以二本補焉不可推究者闕之合通顏書之士摹
勒刊石于泮使學者矜式且欲所傳之廣噫魯公
所書實大歷九年自大歷至開成僅踰甲子石已
刊缺姪顥欲移他石不果後刺史楊漢公摹勒成
顥志時開成四禩也自開成歷五季迄皇朝距今
凡五甲子漢公傳本亦寢磨滅魯公真跡所存纔
十四五爾矧公去郡今復幾載其石存亡不可知

幸而存焉無好古博雅君子寶而護之且有風雨摧剝之虞則彼筆蹤或未可保今公再傳茲石雖謂摹刻失真然梗概猶在學者意解神悟尚庶幾得髣髴於斯抑自公始也紹興壬戌八月既望梓學教授成都勾詠記

夷門廣牘右干祿字書再以魯公石刻校之多所更定惟平聲有箎字在四支韻中是作墮箎之箎當竹下从虎今乃从虎自讀為虎而非可音池也上聲有惚字在十九皓韻中同為惚攷字書惚字別無此體即恍惚之惚也音忽夫此帖自唐入宋

已經傳刻當時亦云寢磨滅矣况後世苟簡書寫而正之風日遠又安知非烏焉之類乎二字俱誤無疑姑識于此嘉靖丁亥歲春丹陽孫沐書

石墨鐫華此本模刻最多故魯公面目十失八九世人所傳乃漢公模本真本以不完遂不傳然則真本不知在否但得漢公本猶勝木本也又讀王元美跋乃謂無一筆縱緩藏之為臨池指南元美好古或宜有真本

[Faded vertical text columns, likely bleed-through from the reverse side of the page.]

蜀碑記補卷九

綿州李調元童山撰

補

輿地碑記目所未有
州屬二

直隸瀘州一

直隸資

直隸瀘州

武侯廟碑

瀘州寶山之瀘峯有武侯廟碑每歲蠻人貢馬相
率拜於廟前宋劉光祖詩云蜀人所至祠遺像蠻
徼猶知問舊碑

內江縣

太尉公墓中畫象

字原云在資州內江縣資州本屬
成都府今為直隸州內江縣屬之

隸續云太尉公墓中畫象蜀人謂之燕王墓人物
未知何所依據一石橫四尺高二尺有半兩巨人
高坐右方有伏尉公三字左方有右將軍韓侯子
本七字又一石七人分坐三席其中一席二人題
其左曰高陵侯右曰曲口侯人物字畫以前石甚
小伏尉公益是用伏為大即太尉公也建武中右
將軍官廢漢末方復有之益州十二郡國二百年
間五人為三公至太尉者南鄭李固成都趙戎戎
之孫謙一趙在威宗獻帝時成都在江不遠豈
其冢墓耶

漢陳君閣道碑

永建五年字原云
在資州內江縣

碑目云在獠井壩層崖之腹碑云漢安長蜀郡青
衣陳君省去根閣令就土著郵亭掾尹厚勒此石
隸續云漢安舊屬犍為根字未見所出所謂根閣
者猶李翁郵閣何君尊犍閣之比

井研縣

諸葛行鍋八分書

丹鉛錄井研縣中有掘地者得一釜鐵色光瑩將
來造飯少頃即熟一鄉皆異有爭之者不得共舉
於縣中令君命取看未至堂下夫手落地分之為

石誌補

七

二中乃夾底心懸一符文不可辨旁有八分書諸葛行鍋四字

考輿地碑記目所已有直隸資州屬一

仁壽縣

歐陽詢金剛經碑据王氏言在佛龕山不江年月按

唐碑考率更碑帖書存於世者十一碑一九成宮

醴泉銘貞觀六年四月一化度寺邕禪師碑貞觀

五年十一月一皇甫府君碑一虞恭公碑貞觀十

一年一西林道場碑大業十三年一屯衛大將軍

姚辨墓志大業七十月一江夏縣緣果道場碑

塔記一鄆陽帖一夢奠帖一孝經一千字文皆不言金剛疑贗書也

直隸

漢平陽府君道
題云黃十楊府君叔神道凡八十字原云刻於石
魏碑首字實云平楊必姓名知建十左旁之靈
其字也歸續上有平楊府君叔神六字
漢刻文字碑碣
漢碑已補

蜀碑記補卷十

綿州李調元童山撰

補興地碑記日所未有 直隸綿州屬三

直隸綿州

漢平楊府君神道

字原云在綿州本屬成都府今改直隸州

題云漢平楊府君叔神道凡八字字原云刻於石

闕椽首墨寶云平楊必姓名如建平太守之類叔

其字也隸續止有平楊府君叔神六字

漢刺史李頊碣

在綿州巴西縣今在開元寺大字磨滅見天下碑錄按綿州古稱巴西郡

見寰宇記縣今廢

漢張翼碣

在綿州東四十步見天下碑錄

仲秋下旬碑

墨寶云在綿州

字原云額五字上二字不可辨第三楊字第四元字第五似秀字而不明碑式云有穿兩旁有大白紋如暈之狀碑十三行行二十三字其上一半皆漫滅隸釋云字畫清逸頗類劉寬碑但石損字闕所餘無幾復齋碑目作楊元君仲秋下旬碑墨寶云俗以為文處茂碑

綿竹縣

漢沈子琚碑

熹平五年字原云在漢州墨寶云在綿竹縣江堰側光武廟中

隸釋云沈君字子琚其名不可辨碑載沈君以熹平三年十月到郡綿竹令樊君以次年二月到縣雖石多剥缺文句斷續其間指意猶可推尋蓋二人相繼到官俱以移風惠民為意碑稱其視事之初百姓躬耕者少溉田邱荒有遣都水掾水曹史等姓名有繕作湖灘之句又有陂田及渠口之字末云水由池中通利便好五稼豐茂人民歸附所紀蓋水利之事也蜀人謂之綿竹江堰碑姑因其名云考天下碑錄子琚作子據

梓潼縣

漢五婦神廟碑

在縣北四十里見寰宇記

漢沛相范君闕

碑目云在梓潼縣東六里

天下碑錄云漢沛相劍門范皮墓闕文字不甚多
記名目而已隸續云圖經有范伯皮闕蜀人云范
君有二闕周迴十六字多磨滅今在鳳皇山寺前
麥田中近得范君一闕其上橫刻四字尚可認曰
府君神道字之下刻四人物次橫又有一馬最下
三方有白紋其中似嘗刻字闕上四人皆向左右行
更有一石其人却向左行恐是范之右闕闕旁之
甄堅厚如石其重十斤田夫耕墾時或得之上有

小篆韻語每甄十行行一句一在汪聖錫家其文
曰嗟痛明時仲治无年結僮孳孳履踐聖門知辨
賜張口噍孔言寬博口約性能淵泉帶徒千人行
無遺愆予亦得其一云德積未報曷尤乾以茂而
不實顏氏暴顛非獨范子古今皆然想貌睹刑列
畫諸先設往有知豈復恨焉石上姓名雖淪滅而
甄文有范子可證乃知范君名皮字仲治圖經誤
衍伯字按輿地碑目作沛國范伯友墓石闕則又
誤相為國誤皮為友

德陽縣

漢上庸長闕文

在德陽縣靈龕鎮見天下碑錄按鎮在羅江縣西二十里舊德陽屬也今

訛為林坎鎮按顧氏碑考引字原云司馬孟臺神道在漢川今為漢州屬成都府

題云故上庸長司馬君孟臺神道凡十一字隸釋云銘文皴剥而字札甚精復齋碑錄作上庸闕文

誤也

考

輿地碑記日所未有

直隸綿州屬一

直隸

梓潼縣

雅勸闕碑輿地碑目云在梓潼縣北二里梓潼縣今屬四川綿州碑式云漢故趙國相雖府君之闕十大隸字為兩行其文一面五行一面三行行二十

三字第七及第十五字下皆有橫畫第一重惟首行及第四五行則七字餘皆虛其下一字金石錄云其前歷敘家世官爵而所述雖君事甚畧故吏民漢中太守邯鄲某等慕戀恩德刊石稱頌焉隸釋云此碑全類魏晉間所書劉備及劉淵國中所刻碑亦題為漢存於今者如車騎將軍闕成獻王碑是也此刻甚可疑但無年歲可證趙氏又寘諸漢碑中故存之天下碑錄作縣東二里按今碑在縣西碑錄及王氏皆誤

直隸達州

漢馮緄碑永康元年隸釋云在渠州字原云墨寶作
達州此碑與馮煥神道馮煥殘碑告馮煥詔皆在
渠州流江縣達州永睦縣之間鄭靄先在夔路得
之故墨寶作達州實渠州境按渠州今為縣屬順
慶府達州屬夔州府流江永睦二縣今廢其地一
併入渠縣一併入達州額題云漢故車騎將軍馮
公之碑十篆字為二行碑式云有穿在第五字之
中文十四行行三十四字將軍體清守約句將軍
字平闕後空三行書威宗得諡之因

補輿地碑記目所未有

蜀中未詳地名各碑

劉涇蘭亭刻

宋桑世昌蘭亭考第十一卷傳刻括蒼三本會字
全有界行後題摹家留刻仙都紹聖丁丑蜀人劉
涇按今刻石無可考仙都意即忠州仙都觀也存
疑松窓雜錄載元宋先天時所有異物如雷公鎖
辟塵犀簪暖金之類凡十有四西蜀織成蘭亭敘
是其一也書之以見蜀俗之好古按李心傳題跋
俞壽翁續蘭亭考一卷有淳祐初年題魯雲林所
藏本款云後山陰修禊之八百六十有九年仲冬

石言補卷一
月上朔蜀人李心傳觀亦奇款也按嘉禾俞壽翁
松集蘭亭續考并研李心傳序內載米元章題劉
涇所收唐絹本云劉郎無物可縈心沈迷蠹縑與
斷簡求新不獲狂時發自謂下取且謾眼猗嗟斯
人今實妙我欲從之官有限何時大叫劉子前跟
閱墨皇三復返劉涇本見于此所稱絹本按蜀又
有織成者

侍中楊文父神道

未詳所在

題云漢楊侍中文父之神道凡九字隸續云字體
格與馮幽州闕相似必西川所刻者

延年樽字

永初七年
續云在蜀

其文云永初七年四月卅日造焉是萬歲延年益
壽郭凡十八字為三行隸續云當是壽塚中所刻

永初甄文

永初元年隸續
云近歲出蜀中

軌有二其一直書一行云永初元年景師造其一
云大吉羊宜侯王

浣花草堂碑

明內府書目載天下碑目
所列四川碑失其地名

嵇叔夜絕交書

唐碑考虞伯生云予幼來崇仁得河東所書絕交
書石本云中書李公梅亭李公攜至蜀矣

顏真卿清遠道上詩

曹溶金石表云在四川未言何地

九

蘇州外路天書

蘇州外路天書

蘇州外路天書

蘇州外路天書

蘇州外路天書

蘇州外路天書

蘇州外路天書

蘇州外路天書

蘇州外路天書

蘇州外路天書

